

aio



GHJURNALETTU IN CORSU

Frédéric

Ritrattadore
animalaghju



reportage



Henri Dunant
Fundadore
di a Croce Rossa

I medichi



di l'urgenza



GHJOCHI

E stregherelle
acconcianu a so puzione...





Scrittu è
ritratti da
Frédéric Lavail

Frédéric, ritrattadore animalaghju

Ch'ella sia in l'acqua, per terra, appichjatu à un arburu, o à l'appiattu in una posta, mi tocca à esse più chè maliziosu pè avvicinà mi à l'animali ch'eo vogliu ritrattà. Quando partu in riportu appressu à un animale, u cunnoscu dicià più chè più. Leghju riviste specializzate è mi mettu à capu incù i scintifici per cunnosce l'abitudine di l'animale à ritrattà. Chì manghja, induve campa, quandu si riproduce, qualesi sò i so predatori ? Ghjungu à sapè ne tuttu tuttu.




Ogni mese u to ghjurnalettu ti prupone riporti animalaghji. I ritratti di sti riporti sò fatti da ritrattadori animalaghji. Oghje, tocca à unu di quelli di palisà ti i secreti di u so mistieru.



Nantu à u terrenu hè impurtante di nutà sempre ciò chì si passa : L'abitudine di l'animali, e stonde interessante, è anzi tuttu i periodi chì l'osservazione sò state fatte.

Dopu, tutte ste infurmazioni mi danu l'aiutu per scrive i mio articoli o per assestà u mio spartitempu per l'annu à vene.



À le volte, certi riporti mi tiranu luntanu da Francia è à spessu in Africa !

In cuntinente e regule sò à l'ingrossu e listesse.

Ciò chì cambia, ghjè u clima assai di più caldu chì rende più difficile e spassighjate.

In culippuli à u frescu d'un arburuciu, u mio teleobbiettivu postu nantu à una ramella, guaiteghju una reghja di Impalà. Ùn ci hè chè femine cù i so chjuchi. Di colpu un maschju magnificu, incù i so pifani longhi è pinzuti esce da l'erbatice, si ferma è mi feghja. Mi hà vistu ! Aghju ghjustu u tempu di tirà trè o quattru ritratti prima ch'ellu scapi.

A pratica di u ritrattu animalaghju hà i so pericoli. In Francia ùn ci ne hè micca in veru, ma in certi paesi, ci sò l'animali chì ponu esse pericolosi per u ritrattadore chì ùn face micca casu.

L'animali salvatichi cum'è i lioni o i tigri, ma dinù mamiferi cum'è i bufali o l'elefanti ponu imburrà un omu chì s'avvicina di troppu. È ancu più in furia s'elli ci sò i chjuchi.

Ritrattà un croccodiliu ùn hè senza risichi.

Quellu ghjornu vulia à tutti i patti fà un pianu grossu di u capu di u rettile. Mi sò avvicinatu pianu... affacchendu li di latu. Mai di fronte mè ! Hè di più prudente. Ancu di grazia si hè statu chetu è aghju pussutu fà sta fiura.

Accade ch'ella sia impussibile di stà vicinu à un animale. À spessu, hè u casu incù l'acelli in u nidu. Di veranu, à a nidificazione, ghjè

À pusà in a mio posta, aghju pussutu mirà è ritrattà aironi cenderati cù i so piugoni.



Custì aghju ritrattatu l'ochju d'un rospu calamitu.



interessante di ritrattà a imbeccata. Adopru à spessu una telecumanda ! U mio apparecchju hè fissatu vicinu à u nidu è slanciu da luntanu quandu i parenti arreganu u buccone à i piugoni.

U macroritrattu hè dinù un' attività interessante in a fiura animalesca. Permette di ritrattà animali mignuculi cum'è i insetti o di fà piani grossi nantu à a una partita di u corpu di un animale.

Per i piani grossi di capi di serpi, ùn ci hè secreti. Ùn ci vole avè paura è avvicinà si à u più, stendu sempre attentissimu.

Certi animali si ponu avvicinà solu di notte. Hè cusì per ciò chì tocca à issa Cuppulata Luth ritrattata nantu à una marina africana. Era cullata nantu à a rena per fà u nidu è pone e so ove. In issa situazione sò custrettu à aduprà i flasci per fà li lume.

Stu serpu hè statu ritrattatu à u Gabone. Hè di fronte à mè. U so capu hè solu à una trentina di centimetri da u mio obbiectivu. Sapia chì puru s'ellu mi fraiava, ùn risicava nunda chì ùn era velenosu.



E regule d'oru di u ritrattadore animalaghju.

Tù dinù voli ritrattà l'animali ? Eccu duie regule da rispettà :

- Appii pacenza, fà silenziu è mira bè.
- Ùn toccà mai à l'animali, soprattutto i chjuchi : puderianu esse tralasciati da i parenti.
- Ùn cambia mai l'embiu d'una tana : i so abitanti puderianu abbandunà u locu.

